

Inisiatif pelihara identiti seni warisan budaya Sarawak

Kempen 'Heritage Quest' SHS ajak masyarakat bantu rakam gambar aset signifikan kepada warisan seni, sejarah negeri

Oleh Marlinda Mardzuki

KUCHING: Persatuan Warisan Sarawak (SHS) kini melancarkan kempen pencarian atau pengenalan warisan Sarawak yang dikenali sebagai 'Heritage Quest.'

Presidennya Dato Sri Robert Jacob Ridu berkata, kempen yang berlangsung sehingga hujung Januari tahun hadapan bermatlamat untuk memelihara dan mengekalkan identiti seni warisan budaya di Sarawak.

Menerusi kempen ini katanya, orang ramai diharapkan dapat membantu dengan merakam gambar bangunan lama, monumen asli atau seni rupa multi-cultural, tempat bersejarah serta warisan budaya yang mewakili kepelbagaian masyarakat majmuk negeri kepada persatuan.

"Dengan setiap tahun yang berlalu, pembangunan ekonomi, pemodenan



PERTAHAN WARISAN: Robert (barisan hadapan, tiga kiri) bersama James (barisan belakang, tengah) dan tetamu lain menunjukkan poster kempen 'Heritage Quest' pada majlis pelancarannya di Kuching, malam kelmarin.

dan perubahan gaya hidup menyebabkan kebanyakan

warisan budaya kita yang nyata dan tidak nyata terabai

dan kadangkala dilupai.

"Maka itu, adalah penting

“Maka itu, adalah penting untuk kita mengenali dan mengambil usaha segera bagi memelihara beberapa aset warisan budaya utama kita sebelum terlambat.”

Dato Sri Robert Jacob Ridu
Presiden SHS

untuk kita mengenali dan mengambil usaha segera bagi memelihara beberapa aset warisan budaya utama kita sebelum terlambat,” katanya pada sidang media semasa pelancaran kempen 'Heritage Quest' di sini, malam kelmarin.

Sehubungan itu katanya, persatuan mengajak seluruh rakyat Sarawak termasuk mereka yang berkaitan untuk membantu mengenal pasti item-item yang mempunyai kepentingan warisan signifikan yang perlu diserlahkan

untuk perlindungan atau pemuliharaan.

"Kita menyeru orang ramai untuk mengambil gambar dan memberikan maklumat penting seperti apakah ia, di mana ia diambil dan mengapa ia penting untuk kita pertahankan seni warisan budaya ini.

"Semua maklumat yang disalurkan orang ramai menerusi kempen ini akan kita analisis termasuk menyedikan info yang lebih terperinci agar dapat kita sampaikan kepada kerajaan negeri atau

sektor swasta untuk tindakan lanjut.

"Langkah ini adalah sebagai usaha melindungi dan memulihara warisan kita agar dapat dinikmati oleh generasi akan datang, seterusnya memacu ekonomi negeri Sarawak khasnya dari segi pelancongan," katanya.

Beliau menambah, permohonan atau penyerahan gambar itu boleh dibuat melalui WhatsApp atau SMS kepada HERITAGE HOTLINE menerusi talian +6018-988-2343 ataupun e-mel kepada sarawakheritagesociety@gmail.com atau dipaparkan di laman Facebook SHS.

"Orang ramai dikehendaki menghantar permohonan mereka sebelum 31 Januari 2019," katanya.

Hadir sama Naib Presiden SHS James Yong serta beberapa ahli jawatankuasa SHS dan tetamu jemputan lain.